

Ա. Գ. ՀՈՎՀԱՆՆԻՍՅԱՆ
Հայկ. ՍՍՌ ԳԱ ակադեմիկոս

ՀՈՒՇԵՐ ԱՆՑՅԱԼԻՑ

(Հ. Գյուլիֆևսյանի ծննդյան 80-ամյակի առթիվ)

Հասունացող սերունդների առաջին տպավորություններն ու ինքնագիտակցության անդրանիկ ճիգերը հաճախ ամուր հետքեր են թողնում նրանց հետագա զարգացման վրա: Եվ իզուր չէ, որ երբեմն հենց դրանց իմաստավորմանն են նվիրում նրանք հասուն տարիների իրենց խոհերն ու ստեղծագործությունները: Այդ դիտեմ ոչ միայն իմ կենսափորձից, այլ նաև դպրոցական ու համալսարանական համատեղ ուսումնառության շրջանից ինձ մտերիմ Հայկ Գյուլիֆևսյանի օրինակից:

Նրա հայրը աշխույժ սրտի ու մտքի տեր, բնական հումորով օժտված, հնօրյա մանկավարժ Գաբրիել վարժապետն էր, կառչած 60-ական թվականներին խմորված ազգային-պահպանողական հայացքներին: Մայրը, տիկին Նատալիան, մեր քաղաքի սակավաթիվ այն կանանցից էր, որոնք տնային գործերից առավել տարված էին արևմտահայերի ազգային-ազատագրական խնդրով և դրա հետ կապված իրենց վաղահաս դաշնակցական հայացքները եռանդով ու աղմուկով պաշտպանում էին թե տանը և թե դրսում: Շեշտված անհատականության տեր մեկն էր նաև Հայկի հորեղբայրը, Սարգիս վարժապետը, որը հայտնի էր որպես սոցիալ-դեմոկրատական համոզմունքների տեր ժողովրդական ուսուցիչ:

Այս միջավայրում էր հասունանում հանգիստ ու լռակյաց, բայց ուշիմ ու ղգայուն մանուկ Հայկի գիտակցության թթխմորը: Ընտանեկան շրջապատը արթնացնում էր նրա խոհունությունը:

Բայց միայն բնական հարկի տակ չէր, որ բախվում էին ժամանակի տարամետ հովերը: Շուշի քաղաքը, ուր ծնվել ու նախապես սնվել էր նա, կովկասահայերի մտավորականության ինքնատիպ հանգույցներից մեկն էր: Քաղաքը հանգչում էր մանր արտադրողների և առևտրական բուրժուազիայի տնտեսական կապերի վրա և միաժամանակ անդրադարձնում Ռուսաստանում և Կովկասում իշխող ազգային, սոցիալական և քաղաքական հակասությունները:

Մեր մանկության ու պատանեկության տարիներին այդտեղ արդեն իսկ առկա էին այն խմբավորումները, որոնք լիցք ու ուղղություն էին տալու մեր սերնդի զարգացմանը:

Իննսունական թվականների սկզբներին մեր քաղաքի հայ մտավորականությունը տրոհված էր կուսակցությունների, մշակակառնների և նոր-դարականների կամ որ միևնույնն է լիբերալների և պահպանողականների՝ և ժամանակ էր ծախսում ազգային-ժխական վեճերի վրա: Գրեթե նույն այդ պահին աս-

սլարեզ էին իջնում հեղափոխական պիտակ կրող այն հոսանքները, որոնք ձևավորում էին հնչակյան և դաշնակցական տրամադրություններով տարված երիտասարդության մտքերը:

Ժամանակի ազդեցիկ և ինքնավստահ գործիչներից էր քաղաքի թեմական դպրոցի տեսուչ Լևոն Սարգսյանը: Դաշնակցության հիմնադիրներից ու ղեկավարներից մեկն էր նա և սկզբնապես այդ կուսակցության մեջ իշխած ազգային-լիբերալ ուղղության դրոշակակիրը: Մի տասնամյակ անց իր խմբադրությամբ լույս տեսնող «Մուրճ» ամսագրի էջերում մարտական խառնվածքով օժտված այդ գործիչը աղմուկով ու շուինդով ճակատելու էր իր իսկ մերձավոր գործակցությամբ ասպարեզ եկած կուսակցության դեմ:

Սարգսյանի տեսչության օրոք Շուշվա թեմականում ուսուցչության պաշտոն էր վարում մեղմախոս ու համեստ մի մտավորական՝ Գևորգ Ղարաջյանը, որը տակավին իր ուսանող եղած տարիներին, 80-ական թվականների վերջերին, ժնկում սոցիալական գիտություններ սովորելիս, հարել էր Պլեխանովի գրված «Աշխատանքի ազատագրություն» խմբին: Ղարաջյանը առաջիններից մեկն էր ոչ միայն հայ, այլև անդրկովկասյան միջավայրում մարքսիզմի ճանապարհի վրա ոտք դնողներից: Արդեն իսկ իր ուսանողական տարիներին «Մշակ»-ում և ապա Արասխանյանցի «Մուրճ»-ում տպված իր թղթակցություններում ու հոգվածներում նա առաջինն էր մեզանում, որ աշխատանք էր սկսել մարքսիստական հայացքների պատվաստման ուղղությամբ: 1897 — 98 թվականներին Խիֆլիսում ձեռնարկեց հայ բանվորների ինքնազարգացման ընդհատակյա խմբակների կազմակերպմանը՝ ունենալով գործունեության շեշտված սոցիալ-դեմոկրատական ուղղություն: 90-ական թվականների վերջերից գործում էր Թիֆլիսի սոցիալ-դեմոկրատական ընդհատակյա կոմիտեի կազմում: Ցավալի է ի դեպ, որ այս գործի նշանակալից դերը ինչպես նաև նրա անտիպ բազմաթիվ աշխատությունները գրվանի տակ են մնում տակավին և իրենց արժանի տեղը չեն գտնում գիտական սոցիալիզմի և մարքսիզմի տարածմանը նվիրված լուսաբանությունների մեջ:

Մեր մանկության տարիներին Շուշվա պատանեկությունը գտնվում էր Արևմտյան Հայաստանի ազատագրման գաղափարով տարված հնչակյան և դաշնակցական կուսակցությունների ազդեցությունների տակ: Այդ տրամադրությունների ծավալմանը յուրովի զարկ էին տալիս ժամանակի սոցիալ-տնտեսական տեղաշարժերը: Կապիտալիզմի զարգացման շոշափուկները տարածվում էին նաև Անդրկովկասի հայաբնակ գավառների վրա, սաստկացնում մանր արտադրողների և առաջին հերթին գյուղացիության շերտավորումը: Այդ պրոցեսը զգալի էր հատկապես Ղարաբաղում և Չանգեղուրում, ուսկից զանգվածային արտագնացություն էր սկսված դեպի Կովկասի արդյունաբերական շրջաններն ու Անդրկասպյան երկիրը:

Ըստ էության արտագնացության տարատեսակություններից մեկն էր, նույն այդ տարիներին Խուրքիայում իշխող բռնատիրության դեմ ազատագրական պայքար սկսած հայերին օգնության գնալու հետամուտ կովկասահայ դավառներում ծայր առած և հետզհետե ծավալվող շարժումը:

Դպրոցականների մեջ նախապես գերակշռում էին հնչակյանները: Մինչև իննսունական թվականների կեսերը «երկիր» մեկնող շուշեցի երիտասարդների մեջ աչքի էին ընկել Գաբրիել Կաֆյանի պրոպագանդիստական գործունեությունը և մանավանդ մարտերում նահատակված Բարսեղ Ջաքարյանի ու

Մարտիկ Սարուխանյանի սխրանքները: Հաջորդ դարի սկզբներին որպես ֆեդայիներ, պրոպագանդիստներ և կազմակերպիչներ «երկիր» դնացին դաշնակցական երիտասարդները՝ Նզոր Առստամյանը, Թուման Թումյանը, Նիկոլ Միքայելյանը, Մարգար Ժամհարյանը և վերջապես Սարգիս Հովհաննիսյանը, հետագայի Արամ Մանուկյանը, Սարղարարազի հերոսամարտի կազմակերպիչներից մեկը:

Սակայն մեր համաքաղաքացիներից էին նաև այն երիտասարդները, որոնք իննսունական թվականների վերջերից, ուտք դնելով հեղափոխական մարքսիզմի գետնի վրա, նվիրվեցին Անդրկովկասում ծավալվող բանվորական շարժմանը և գիտական սոցիալիզմի պրոպագանդային: Սրանց շարքին էին պատկանում 1905 թ. Պետերբուրգի բանվորական սովետների նշանավոր ղեկավարներից մեկը, անվեհեր Բոգդան Կնունյանցը, 'հին բոլշևիկներ' Ալեքսանդր Բեկզադյանը, Իվան Մելիք-Հովսեփյանը, Բաղդասար Ավագյանը, Սարո Համբարձումյանը և ուրիշներ:

Հայ մարքսիստների ավագ սերնդի այս երիտասարդների նախօրինակով է, որ դարասկզբին սկսում են խմորվել մեր սերնդի պատանեկության մրտքերը: Մարքսիստ համերկրացիների ոգով դաստիարակվողների մեջ էին նաև մեր ընկերներից երկուսը, որոնք Ալեքսանդր Բեկզադյանի հետ մեկտեղ մրտնելու էին Սովետական Հայաստանի 1920 թվականին կազմակերպված Հեղկոմի մեջ՝ Սահակ Տեր-Գաբրիելյանը և Իսահակ Դովլաթյանը: Չմոռանամ ասել, որ 1903—1905 թվականներին մեր հայացքների ձևավորման վրա անմիջական ներգործություն են ունեցել ռեալական դպրոցի քնադատության մեր դասատուն՝ Լյուդվիգ Ստաբրովսկին և երկու-երեք տարով մեզնից տարեց դպրոցական մեր ընկերը՝ Վլադիսլավ Կասպարովը:

Դիտողության արժանի երևույթ է, որ ինչպես իննսունական թվականների վերև նշված մեր համաքաղաքացի հնչական երիտասարդները, այնպես նաև նրանց հաջորդած մարքսիստ երիտասարդները միջնակարգ կրթություն էին ստացել մեր դպրոցում, Շուշվա ռեալականում, ուսկից հետագայում անցել էին Ռուսաստանի բարձրագույն դպրոցները: Որպես կանոն դաշնակցական երիտասարդները դուրս էին գալիս քաղաքի թեմականից: Բացառապես հայ ազգային մշակույթի ազդեցությունը ենթարկված՝ նրանք դժվարությամբ էին ընկալում գիտական սոցիալիզմ և ինտերնացիոնալիզմ պրոպագանդող մարքսիզմը, քան բնական և հանրակրթական գիտելիքներ յուրացնող ռեալիստները: Հարկավ լինում էին նաև բացառություններ: Ռեալիստներից դաշնակցականների շարքերն անցան Միքայել Հովհաննիսյանը (Մ. Վարդանյան), Մարգար Ժամհարյանը և սկզբնապես նաև Լևոն Աթաբեկյանը, որի դաշնակցականների դեմ ուղղված քննադատությունը այնուամենայնիվ սոցիալիստ-հեղափոխական կուսակցականությունից հեռուն չգնաց:

1905 թ. հեղափոխության նախօրեին Գյուլիքեխյանի և իմ հայացքների մշակման վրա ազդում էին գրական հրապարակի հեղեղող թերթերն ու բողոքները: Մարքսի ու Էնգելսի դժվարամարս երկերից ավելի անմիջական էր նրանց հետևորդների ազդեցությունը: Մեր աշակերտության տարիներին լարված ուղադրությամբ կարդում էինք Կառլեկու և մանավանդ Պլեխանովի հայտնի աշխատությունները: Այդ ժամանակ մեզ պաղեցրած սովոր գրքերից ոչ մեկը ազդեցության այնքան խոր հետք չի թողել մեզ վրա, որքան Պլեխանովի «Очерки развития монастического взгляда на историю» աշխատու-

թյունը: Լենինի գործերից մեզ մատչելի դարձան ավելի ուշ՝ մեր ուսանողության տարիներին: Հիշում եմ սակայն, որ նրա երկերից մեկը տեսա դեռ դպրոցի նախաՎերջին դասարանում: Ես ու Կասպարովը նստում էինք վերջին նստարանին: Ռուսաց լեզվի դասի ժամանակ Սլավան ծնկի վրա թերթում էր ստվար մի հատոր: Դասատուն՝ Լյոնտեր այդ նշմարից և նկատողություն արեց նրան: Դա Լենինի «Развитие капитализма в России» նշանավոր գիրքն էր, որը լույս էր տեսել «Վ. Բլյին» կեղծանունով: Սլավան ինձ ասաց, որ այդ անվան տակ թաքնված է բոլշևիկների գլխավոր տեսաբանը՝ Լենինը:

Պատմական մատերիալիզմին նվիրված գրականությունից զատ, ինձ հետաքրքրած գրքերի մեջ մեծ տեղ էին բռնում հայոց պատմության ու գրականության հետ առնչված գրքերը: Չորրորդ դասարանի աշակերտ էի, երբ հափրշտակությամբ կարգում էի Րաֆֆու և Լեոյի գրվածքները: Շատ հավանեցի վերջինիս «Հայկական տպագրությունը», որի ազդեցությամբ ընկա ՅՅՅՅ-ի նշանավոր ռուսերեն ժողովածուի հետքի վրա: Վերջինիս մտառու ուսումնասիրությունը հետագայում ինձ մղում տվեց գրելու իմ համալսարանական դիսերտացիան:

Գյուլիքեխյանի նախասիրությունները իմինից տարբեր էին: Նրան առավելապես զբաղեցնում էր ռուս և ավրուպական գեղարվեստական գրականությունը: Արդեն իսկ դպրոցի վերջին դասարանում ուշադիր կարգում էր ռուս գրական քննադատության կրասիկներին: Միաժամանակ նրան հետաքրքրում էր արևմտաեվրոպական փիլիսոփայական գրականությունը: Լավ հիշում եմ, որ մի օր նրա ձեռքին տեսա հետագա իր պրոֆեսորներից մեկի, Վ. Վունդտի հոգեբանության և նույնիսկ Կունո Ֆիշերի «Հեգելի» ռուսերեն թարգմանությունները:

Մեր մտահորիզոնի ընդլայնմանը նպաստում էին մարքսիստական խմբակները և մանավանդ հրապարակային դիսկուսիաները: Սակայն, ինչպես մեր օրերին, մեր պատանեկության ժամանակ ևս հասունացող սերունդը մրտավոր սնունդ և քաղաքական դաստիարակություն էր ստանում ոչ այնքան դրբերից ու դիսկուսիաներից, որքան ժամանակի իրադարձություններից: Առավել ուսանելի ու հետաքրքրական էին դառնում հենց այն գրքերն ու դիսկուսիաները, որոնք առնչվում էին ընթացիկ կյանքի հետ և օգնում ակտիվ կողմնորոշում մշակելու կատարվող իրադարձությունների գնահատման ու իմաստավորման հարցերում:

Մարքսիստների և ազգային կուսակցությունների փաղափարական բախումները գնալով լայն ծավալ էին ստանում, մանավանդ 1905 թ. հեղափոխության ժամանակաշրջանում: Հրապարակային ընդարձակ դիսկուսիաների նյութ էին դառնում Գուլիցինի ազգային քաղաքականության, հայ եկեղեցական կալվածների բռնագրման, հոսնվարի 9-ի դեպքերի և հայ-թաթարական ջարդերի հետ կապված հարցերը: Խիստ բազմամարդ դարձան դիսկուսիաները, երբ հակադիր տեսակետներով ու ըուսաբանության փորձերով հանգես եկան Լևոն Աթաբեկյանը, Տիգրան Իսախանյանը, Իսահակ Դանիելբեկյանը, Հակոբ Հովհաննիսյանը, Սիմոն Նարինյանը, Դ. Տեր-Դանիելյանը (Դ. Անանուն) և այլն: Քննարկման նյութ էին դառնում «Սոցիոլոգիան և նրա դպրոցները», «Ռուսական հեղափոխության նարոդնիկական ու պրոլետարական էտապները», «Ցարիզմի ազգային քաղաքականությունը Կովկասում», «Հայ-թաթարական ջարդերի պատճառները» և մյուսն ալ թեմաներ:

Ի վերջո եղավ նաև այնպես, որ դուրս գալով գահավիժող անցքերը դիտողների վիճակից, մենք ևս մասնակից էինք գառնում՝ դրանց 1905 թ. հունվարյան դեպքերին, նույն տարվա զարնան ամիսներին, յուրովի արձագանքեցինք նաև մենք՝ ռեալական դպրոցի աշակերտության ադմինիստրատիվ գասագրուով:

Այդ ելույթի համար անմիջական մղումներ էինք տալիս սոցիալ-դեմոկրատ ուսանողներին: Դպրոցի վարչությանը ներկայացվելիք պահանջագրի մշակմանը մասնակցություն տնեցան մեզանից շատերը, այդ թվում նաև Գյուլիքեխյանը և ես: Առանձնապես ակտիվ էր Սաքո Սահակյանի (հետագայում էսեռ) և Վլ. Կասպարովի մասնակցությունը: Հիմա լավ չեմ հիշում մեր պահանջագրի բովանդակությունը: Մտաբերում եմ միայն, որ առաջարկում էինք դպրոցից հեռացնել ռեակցիոն ուսուցիչներից ոմանց և պարտադիր դարձնել ազգային լեզուների դասավանդումը:

Դասադուր սկսեցինք դասի ժամանակ «Կորչի ցարիզմը» քաջականչություններով միջանցքները թափվեցին բարձր դասարանների աշակերտները: Մեկը բերել էր իր հետ կաթմիր մի լաթ, որը ձեռքերի վրա ծածանվեց որպես դրոշ՝ շփոթություն առաջացնելով ուսուցիչներից ոմանց մեջ: Խանդավառված պատանիներից ոմանք սկսեցին փշրել փողոցի կողմի լուսամուտների ապակիները, որ նախատեսված չէր բնավ: Այդ դուր եկավ շատերին, որոնք շարունակեցին անել նույնը՝ ինչպես և ինչով կարող էին: Հետագայում մեզ մեղադրում էին այն բանում, թե իբր մի քանի հարյուր ուրբու ապակի ենք փշրել:

Քաղաքացիները խոնվել էին դպրոցի առջև և ոչ մի կերպ չէին հասկանում ծավալված ադմուկի և փշրոցի իմաստը: Շքամուտքի մոտ խմբվել էր ոստիկանությունը՝ ոստիկանապետ Սախարովի գլխավորությամբ: Վերջինս կամենում էր դպրոց մտնել «վերականգնելու կարգը»: Մեր դիրեկտորը՝ Նվգենի Կոնոկոտինը՝ կտրականապես մերժեց նրա պատրաստակամությունը: Հայտնեց, որ խնքն է դպրոցի տնօրենը և միայն իրեն է վերապահված խախտված կարգը վերականգնելու պարտականությունը: Հետագայում ցարական ոստիկանությունը նրան մեղադրեց այն բանում, թե չի ջանացել դպրոցի աշակերտներին հեռու պահել հեղափոխության շորշոփներից: Իր հերթին Կոնոկոտինը մեղադրում էր ոստիկանությանը, որ այն չի կառողացել այնպես դիմադրել հեղափոխությանը, որ վերջինս ազդեցություն չգործեր աշակերտների վրա:

Քանի որ անց դիրեկտորի փորձեց իրեն օգնության կանչել ծնողական ժողովին: Սակայն ծնողական ժողովում ելույթներ տնեցան սոցիալ-դեմոկրատ ուսանողները, սուր խոսքեր ուղղեցին թե ցարական ռեակցիայի և թե դպրոցական վարչության դեմ:

Թեպետև մոտ երկու ամսով կանգ առան մեր պարապմունքները և հարցաքննությունն եղավ կուկասյան հոգաբարձության կողմից, այնուամենայնիվ, որոշ դրական արդյունքի չհանգեց դասադուրը: Դիրեկտորի բռնած դիրքը դասադուրի իսկ սրահին հոգեբանական շրջակետ դարձավ դեպքերի հետագա բնթացքի համար և ծանրություն տվեց մեր տրամադրությունների վայրէջքին:

Հետագայում և՛ Գյուլիքեխյանը և՛ ես չէինք կասկածում, որ տիրող ռեժիմի հարատևումից զատ գործադուրի վիժմանը նպաստեց հենց դիրեկտորի իրերալ գործելակերպը, որով նա կարծես դասադուրավորների հետ բնդհա-

նուր ճակատ ստեղծեց ոստիկանության դեմ: Երևի հենց դրա համար էլ նրան հեռացրին դպրոցից:

Դասադուլի նախաձեռնման մեջ նշանակալից էր սոցիալ-դեմոկրատների մասնակցությունը: Երկրորդական էր դաշնակցությանը հարող «Կովկասյան հայ աշակերտական միության» անդամների դերը: Թեպետև դաշնակցությունը առհարկի բռնել էր ցարիզմի դեմ պայքարելու ուղին, գործնականում այն շարունակում էր դեգերել «հին» և «նոր» գործոսնեության, «հայդուկային» և «սոցիալիստական» մտածելակերպի կամ «հեղափոխական» և «լիբերալ» գործելակերպի արանքում: Հանդամանք էր այս, որ մեծապես նպաստում էր նրա նկատմամբ մեր քննադատական վերաբերմունքի սրմանը և մեր սոցիալ-դեմոկրատական գիտակցության հաստականալուն:

Ռուսաստանի սոցիալ-դեմոկրատիային հարելու համար Գյուլիքեխյանին և ինձ մնում էր հաղթահարել վերջին մի նախապաշարմունք միայն՝ կուսակցության կազմակերպման ազգային սիստեմը: Այդ սիստեմի անհեթեթությունը մեզ համար գործնականապես ակնհայտ դարձավ փոքր-ինչ հետո միայն՝ մեր համալսարանական ուսումնառության սկզբնաշրջանում, երբ Գերմանիա անցնելով, շփման մեջ մտանք ռուս ուսանողական գաղութի և նրա սոցիալ-դեմոկրատական կազմակերպության հետ: Այլևս կասկած չմնաց, որ միայն կազմակերպության միջազգային կամ տերիտորիալ-արտադրական սիստեմը կարող է հիմք դառնալ ու ապահովել հեղափոխական սոցիալ-դեմոկրատիայի գաղափարական և մարտական միասնությունը:

* * *

1906 թ. աշնանը Գյուլիքեխյանը և ես մտանք Ենայի համալսարանի փիլիսոփայական ֆակուլտետը: Մեծ ջանասիրությամբ սկսեցինք հաճախել պրոֆ. Ռայնի ընդհանուր մանկավարժության դասախոսությունները: Մեզ հետաքրքրողը մանկավարժությունը չէր, այլ պրոֆեսոր Ռայնի պարզ ու հնչեղ առողջանությունը, որի օգնությամբ որոշեցինք յուրացնել գերմաներենը: Մասամբ նույն նպատակով էինք հաճախում նաև նշանավոր փիլիսոփաներ Օտտո Լիբմանի և Ռուդոլֆ Եյկենի լսարանները և երբեմնակի լսում աշխարհահռչակ Հեկկելի դասախոսությունները:

Գյուլիքեխյանի հետ մեկտեղ 1907 թվականի գարնանը մեկնեցինք Ապուդա քաղաքը, ուր ռայխստագի ընտրապայքարի կապակցությամբ ելույթ պետք է ունենար Ավուուտ Բեբելը: Հսկայական հանդիսասրահում հավաքված ընտրողների առջև ելույթ ունեցավ գերմանական պրուլետարիատի պարագլուխը: Սրահում ներկա բուրժուական լիդերների բացականչությունները նպատակ ունեին խաթարել Բեբելի խոսքի տպավորությունը: Հմայիչ էր ծերունի հռետորի հանդիսատեցվածքը և մտնավանդ նրա անվրեպ պատրաստաբանությունը, որով կասեցնում էր հակառակորդներին՝ անգուսպ հռհռոց առաջացնելով սրահում: Հեռացանք Ապուդայից հիացքով լի:

1907 թվականի ամառային սեմեստրում Գյուլիքեխյանի և իմ համատեղ ուսումնառության ուղիները բաժանվեցին: Ես մտա Հալլեի և այնուհետև Մյունխենի համալսարանը՝ պատմություն ուսանելու: Գյուլիքեխյանը մեկնեց Լայպցիգ, ապա անցավ Ցյուրիխ և Հայդելբերգ գրադվելու փիլիսոփայությամբ ու հարակից առարկաներով:

Տակավին լատիներենի իմացության վկայական չունենալով՝ Լայպցիգում Գյուլիքսխյանը ձևապես ուսանող գրվեց տեղի առևտրական բարձրագույն դպրոցում (Handelshochschule-ում), սակայն փաստապես ունկնդրում էր համալսարանի դասախոսությունները։ Նրա հարցասիրությունները հանրագիտական բնույթ ունեին։ Լսում էր, ինչ հետաքրքրում և զբաղեցնում էր իր միտքը։ Նշանավոր տնտեսագետ Բյուխերից զատ այցելում էր փիլիսոփա-հոգևրան Վունդտի, պատմաբան Լամպրեխտի, գրականագետ Վիտկովսկու և Ֆուլկերտի էսթետիկայի դասախոսությունները։ Իհարկե, նշում եմ միայն այն, ինչ մենացել է հիշողությանս մեջ իր իսկ պատմածներից։

Երբ 1909 թվականին իրեն այցի էի գնացել Լայպցիգ՝ Գյուլիքսխյանը ինձ տարավ լսելու իր ուսուցիչներից ոմանց։ Հիշողությանս մեջ խորապես տպավորվեց ծերունի Վունդտի Դոստոևսկուն նմանող արտաքինը։ Խոսում էր Լայբնիցի մասին՝ խորհրդավոր ինտոնացիայով և ներհուն վերլուծությամբ։ Բյուխերը կարդում էր Գերմանիայի միջնադարյան քաղաքների տնտեսական համակարգի մասին։ Չնայած այդ գիտնականի դրվածքները հղկված ու պայծառ շարադասություն ունեն, կարդում էր վերին աստիճանի միատուն ու տաղտկալի։ Ըստ էության մակերեսային, բայց հոետորական փայլուն իմպրովիզացիայի տպավորությունն արեց Կարլ Լամպրեխտի՝ գերմանական մշակույթի պատմության պարբերացմանը նվիրված դասախոսությունը։

Գյուլիքսխյանի Ցյուրիխի և Հայդելբերգի զբաղմունքների մասին ինձ հայտնի չէ գրեթե ոչինչ։ Գիտեմ միայն, որ Հայդելբերգում նա լսել է նեոկանտյան ուղղություններից մեկի հիմնադիր Վինդելբանդին և նրա հանձնարարությամբ ձեռնարկել էր գրելու իր դոկտորականը։ Սակայն վերահաս առաջին համաշխարհային պատերազմը խափանում է նրա զբաղմունքները։ Գերության առնվելով, շուրջ չորս տարի Վինդելբանդի հայ աշակերտը դեզերեց պատերազմի ճամբարներում և հնարավորություն ստացավ վերադառնալ Ռուսաստան միայն պատերազմը վերջանալուց հետո։

1918—1919 թվականներին է, որ ես նորից հանդիպեցի Գյուլիքսխյանին, նախ Մոսկվայում, ապա՝ Աստրախանում։ 1921—1927 թվականներին Սովետական Հայաստանում մենք կապված էինք իրար հետ համատեղ կուսակցական աշխատանքով։

* * *

Այդ շրջանի, ինչպես նաև հետագա տարիների նրա գրական-գիտական աշխատանքի բնույթը հանրածանոթ է։ Այնուամենայնիվ թող անտեղի չլինի մի քանի խոսք ասել այդ մասին։

Նախասովետական շրջանի մարքսիստական հայ գրականության մեջ արծարծում էին սուանձին արժեքավոր դրույթներ ու մեթոդոլոգիական սկզբունքներ։ Արվեստի ու գրականության մարքսիստական սիստեմատիկ ուսումնասիրությունը հնարավոր և անհրաժեշտ դարձավ միայն սովետական շրջանում, և Գյուլիքսխյանը առաջիններից մեկն էր, որ տաք դրեց այդ բնագավառում իբրև գրականագիտական, էսթետիկական և փիլիսոփայական լայն ընդհանրացումների առակ մարքսիստ գիտնական։

Չեմ կարող շրջանցել մանավանդ նրա գրականագիտական ուսումնասիրություններից մեկը։ Նկատի ունեմ Րաֆֆու «Կայծեր»-ի քննադատությունը, ուր նա վերլուծում էր պատանեկության օրերին մեզ հուզած հարցերը։ Իր հա-

սուն տարիներին հեղինակը լուսաբանում էր այդ նյութը՝ զգալիս, որ վերարտադրելով արևմտահայ ազատագրական շարժման նկատմամբ հայ մարքսիստների հին սերնդի տեսակետը, Գյուլիքեխյանի այդ ուսումնասիրությունը խիստ այժմեական է Րաֆֆու և նրա գաղափարախոսության մարքսիստական գնահատման համար նաև մեր օրերին, երբ փորձեր են լինում մոռացության տալ կամ աղարտել հայ մարքսիստների ավագ սերնդի ըմբռնումներն այդ հարցում:

«Կայծեր»-ի քննադատությունը Գյուլիքեխյանը գրել է 1946 թվականին և հրապարակել 1947 թվականին, այսինքն՝ տակավին անհատի պաշտամունքի տիրապետության շրջանում, երբ անհնարին էր ճշմարիտ խոսք ասել Րաֆֆու մասին, առանց երկյուղ կրելու, թե նացիտական համբավ կարելի էր վաստակել դրանով: Եվ թերևս հենց այդ է պատճառը, որ իր ուսումնասիրության մեջ ակնհայտորեն գերազնահատված է Րաֆֆու լիբերալիզմը և թերագնահատված նրա դեմոկրատիզմը:

Պետք է այնուամենայնիվ դիտել, որ Գյուլիքեխյանի քննադատությունը ըստ էության հակադրվում էր սովետահայ գրականագիտության մեջ անհատի պաշտամունքի տարիներին Րաֆֆու մասին տարածված թյուր կարծիքներին: Այսպես, երբ արևմտահայ ազգային-ազատագրական շարժումը քննադատը բնութագրում էր որպես բուրժուա-դեմոկրատական կարգերի հաղթանակի համար թուրքական ֆեոդալիզմի դեմ մղված պայքար, նա մերժում էր այն տեսաբանների հայացքը, որոնք արևմտահայ շարժման մեջ սոսկ թուրքիայում շուկա որոնող կովկասահայ բուրժուազիայի շահախնդրություններ էին նշմարում: Նման տեսաբաններին առարկելով, Գյուլիքեխյանը համարձակորեն արձանագրում էր, որ արևելահայ բուրժուազիան հիմնականում հետևում էր ցարիզմի քաղաքական դժին և բնավ չէր ոգևորվում իր կապիտալը Արևմտյան Հայաստանում շահեցնելու հեռանկարով:

Սակայն քննադատի միտքը ավելի խորն էր ակոսում Րաֆֆու գաղափարախոսական ենթահողը, երբ նմանություններ էր նշմարում ռուս նարոդնիկների և «Կայծեր»-ի հերոսների դեպի ժողովուրդն ունեցած վերաբերմունքի մեջ: Քննադատը նմանություններ էր տեսնում Րաֆֆու հերոսների և նարոդնիկների միջև: Չնայած, որ տարբերանշում էր Րաֆֆու հայացքները նարոդնիկների ձգտումներից, նա հայ վիպասանի հայացքների վրա նշմարում էր նարոդնիկական թեորիայի ու պրակտիկայի որոշակի ազդեցությունը: Եթե նարոդնիկները ասում էին, թե ռուս համայնքի շնորհիվ՝ ռուս մուծիկը բնածին սոցիալիստ է և նրան գիտակից սոցիալիստ դարձնելու համար պակասում է միայն ինքնագիտակցությունը, Րաֆֆին իր հերթին համոզված էր, որ ազատասիրությունը հատուկ է բոլոր ժողովուրդներին. բավական է, որ հայ գյուղացուն ինքնագիտակցության մղես և գործի հրահրես, որպեսզի նա ղենք առնի՝ ազատություն նվաճելու համար: Գյուլիքեխյանը նույնիսկ գաղափարաբանական խաչաձևումներ էր տեսնում Րաֆֆու և Միխայիլովսկու «հերոսների և ամբոխի» կամ լավրովի՝ «քննադատորեն մտածող անհատների» մասին պաշտպանած հայացքների միջև:

Ուշագրավ է մասնավորապես Գյուլիքեխյանի հայացքը Րաֆֆու գրական ուղղության մասին: Եթե «Կայծեր»-ի ռեալիստական մոտիվները քննադատը համարում էր թուրքիայում և Պարսկաստանում իշխած ֆեոդալական կարգերի ու դասակարգերի քննադատության արտահայտություն, ապա վեպի ռո-

մանտիկական տարրերը համարում էր արևմտահայ ազգային-ազատագրական շարժման հաղթանակին նպաստող օբյեկտիվ պայմանների բացակայության հետևանք, այլ խոսքով՝ իրականության և իդեալի միջև լեզած խոր հակասության արդյունք: «Կայծեր»-ի ռոմանտիզմի աղբյուրը Գյուլիֆեխյանը տեսնում էր նույն այն հակասության մեջ, որը արևմտահայ շարժումը ղեկավարող կուսակցություններին հետագայում տրամադրում էր «հայկական հեղափոխության» ֆրազի օգնությամբ վարագուրել իրենց մերկապարանոց ռեֆորմիզմը: Գյուլիֆեխյանը իրավացիորեն հրաժարվում էր հեղափոխական համարել մի շարժում, որի ռեալ նպատակը Բեռլինի վեհաժողովի հաստատած ռեֆորմներից դենը չէր միտում և փաստորեն դեմ էր առնում արևմտահայ ժողովրդի ազատագրման հետ անհամատեղելի Թուրքիայի status quo-ն պաշտպանող եվրոպական դիվանագետների քաղաքականությանը:

* * *

Հայկ Գյուլիֆեխյանի կյանքի պատմությունը հատկանշական է մեր սերունդի մարքսիստ մտավորականի համար: Նրա քաղաքական գիտակցությունը արթնացել էր 1905 թվականի հեղափոխության ժամանակաշրջանում: Ժամանակաշրջանի հուզող հակասությունները լուսաբանելու և լուծելու համար նա ելք գտավ հեղափոխությունը ղեկավարող և այն դեպի Հոկտեմբերյան հաղթանակը առաջնորդող լենինյան դրոշի ներքո: Գյուլիֆեխյանը նվիրված էր այդ դրոշին զգայուն սրտի և խոհուն մտքի բոլոր թելերով ու ամբողջ հավատարմությամբ:

Այսօրվա սերունդը ի վիճակի է դառնելու Գյուլիֆեխյանի մասին սոսկ նրա դրական ժառանգության հիման վրա: Սակայն գիտնականի և գաղափարական գործչի նշանակությունը միշտ չէ, որ չափվում է նրա գրվածքներով: Գրական-գիտական իրողությունների կենդանի ազդակները հաճախ մնում են վարագույրի ետևում: Լինում է նաև այնպես, որ նրա ազդեցության մասին վկայում են ժամանակակից հուշագրողների կամ բանաստեղծների կծու էպիգրամները միայն:

Հայկ Գյուլիֆեխյանը մեկն էր սովետահայ այն մարքսիստ գիտնականներից, որոնք ազդեցության խոր հետքեր են թողել սովետահայ գրականագիտության մեջ և բեղմնավորել սովետահայ գրողներից ոմանց տաղանդի հասունացումն ու դրսևորումը:

Քսանական-երեսունական թվականների սովետահայ գրական-գիտական կադրերի դաստիարակման կամ այդ ժամանակաշրջանի սովետահայ գրական-քննադատական մտքի կաղապարմանը ծառայած նրա գործերից նվազ նշանակալից չէին նրա դասախոսությունները, զրույցներն ու կոնսուլտացիաները: Նրիտասարդ այդ կադրերի մտքերի ու զգացմունքների զարգացմանը նա օժանդակում էր ոչ միայն իր հանրագիտական հմտություններով, այլև իր նկարագրի առինքնող հմայքով, պարզ ու վճիտ իր բնավորությամբ ու անհատականությամբ:

Զի կարող մոռանալ նրան, ով երբևէ լսել է նրա հոգեթով ծիծաղը, որի մեջ արտացոլվում էր և նրա մտերմությունը զրուցակցի հետ և նրա ներողա-

միտ վերաբերմունքը դեպի հակառակորդների մարդկային թուլությունները։
Վերացական ընդհանրացումների միտված այդ գիտնականը հոգու մանկական
պարզություն ուներ։

Զուր չէ, որ նրա լանուը միշտ հուզիչ սիրով են հիշում նրանից խոր-
հուրդներ և ատեղծագործական մղումներ ստացած գրողներն ու քննադատները,
դիտական գործակիցներն ու բազմաթիվ աշակերտները։